

Naszi knôpi

Naszi knôpi, nasze dzeje
Wehrmacht, kaizer, Stutthoff, lagrë
Piôsznica - më wszãdze bëłë
Na sybirschi pùsti zradny...
Półbrat na Mònte Cassino
Stark pòdpisôł bëł folkslistã
Wùja w Czôrnym Czwiôrtkù zdżinał
Bò òn nie bëł kòmùnysta...

(...)

Grzéch nasz, co më jesmë stądka
Prosto chcemë robic, przeżëc
Wiedno dostôwómë rzniatkã
Òd tëch, co sã znają lepi...
Co jim w drodze są Kaszëbi
Bò më wcyg swòjégò łepa
Co nie słëchómë mądrzeli
A robiwómë na òpak...

(...)

W slëpie jich historiô pòli,
Le ji nie chcą pòznac, zrozmiôc
Wòlã głëpòtë gãstolëc
Prôwdã nijak nie je wôżnô...
Przecã òni swòją mają
Abò pòlską, abò jiną
Jedny mszów nóm òdmôwiają
Drëdżi za apartnosc biją...

(...)

Trafią sã wëôrtowóny,
Jaczima, co cëżé, szmakô

Tak w panowników zazdróny

Na jich mòdło sã jinaczã...

(...)

Mě, Kaszëbi, cëszì kòta -

Nama nie je pòrëch trzeba,

Leno achtnąc nót robòtã

A ùżorgac na sztëczk chleba...

Miną pëskówczy, jurzenié

Weznie gòrze czasu wòda

Nowé przìndze pòkòlenié

Mądri Bóg òbezdrzi szkòdã...

Tómk Fópka, Chwaszczëno, 14 lëpińca 2025 rokù, gòdz. 11.18 p.p.